

Jascara copíra, nanbon non reteti iqui;
non atipana senen.

Nonra oinrestima iqui, nanbonbaon non
jahuéquiati jahuéqui acaitian.

Jan nanbonyabi nacabo retenošhonra, non
ati atipanque:

- Jan nanbon reteti biquín, iamaašh nonbi
aquín. Nonbi ati atipanque comári šhama.

- Jan reteti raoboribi noa maroti atipanque.
Icašhbi ja raobo iqui onsáchaa; retemis icašh.
Ja raonra, joniboyabi yoinnabo ramiati
atipanque.

- Ja copí, ja raobo tí acamatianbi, ja raon
icá huishábo quiquinhaquin yoyo acanti
iqui; ja jascáaquín ati yoiabo.

- Ja raobo piti jahuéquibaon inaquetian, ja
jahuéquiatio ochómašhon atima iqui.

- Baquebaon tii atimain, ja raobo quiquinh-
aquín benšhoacanti iqui.

- Non biti atipanribaque, jan nanbon neemati
beponya cinta.

4. Jainšhonribi non menoti iqui, ja isinaibaon
queyonyabi jaton oco.

Ja bonšhan payōti isiman icaibaon ococayara,
non abiresti iqui, menoquin.

Isinai išhonra, jainbiribi queyon michoti
non biti iqui, jihui pei iamašh quirica,
moa jayābiaquin menonošhon.

Jainšhon tason payon, itan rato payon
ašhonribi, jan non michoayabi non miinti iqui
mai quiniašhon. Iamašhon, ompašh
cobinaitonin non nachōti iqui, jaqui non
michoa jahuéqui, jaquiribi jaqui
michonošhon. Ja ompašhšhibi mai quini meran
non ati iqui.

Nonra jascāati iqui, nanbonyabi nacabaon,
huetsabo ja isin bošhonnaquetian.

Jainoašh jain michoaiboribi iti iqui,
quiquinhaquin jahuéquinin mapoa, nanbonyabi
nacabo joašh neenaquetian.

Jatian ja jain queyon michoai iti iqui,
ichátama ompašhsha; jaqui ja michoabo neena-
quetian.

4. Ja nacayabi nanbomanra acai, baqueboyora teaquin. Jascáaquin jato teai icai neeti, baquebaon maponco, beroncobo, itan jaton pitincoboribi neetai.

- Ja baquebaon maponco neetai riqui, quiquinaquin chocáma iquetian. Jascara copíra, baquebo mabonai.

- Beroncora baquebo nacan teai, quiquinaquin bechotama iquetian. Jascara icašhšhibira, baquebo beron icanai.

- Jainoašhšhibira, ja nacayabi nanbon neetai baquebaon pitinco. Jascarayabi acašh baquebo isinai, chišhotai, quinanya isiman icai; jainoašh huetsa jaconma isinbaonribi icai.

7. Šhobo matsóma, itan benšhoamabora, nanbonyabi
nacabaon queenyora iqui.

Nescarabo Šhobo iquenra icai:

- Jema matsóma, itan oróma icáinco;
jainoašh jahuéquiati Šhacá, itan piti
tsosábo potarescanaincobo.
- Nonon poincobo, Šhobonbi bahua imaa,
itan huetsa yoinaboribi imaa taponbi
poiaincobo.
- Taponbi, iamaašh huetsancobires jain
barin tenayamaincobi, queyón michocanainco
- Tapo namanbi jahuéquibaon mehue
icáincobo.
- Jemanbi ochítinin, itan cochibaon jahuen
poi ayaqueaincobo.

Jascaraínyorabora jan noa isinmai
micróbiobo mašhcáyamaque.